

歷朝閨雅卷十一目錄

七言絕句

明

朱靜菴 四首

暮春卽事

春蠶詞

閨怨

染甲

董少玉 一首

海棠花



端淑卿 一首

秋夕泊丹湖

方孟式 一首

芝城寄女

吳令儀 一首

三峽寄伯姊張夫人

張紅橋 一首

和子羽

田娟娟 一首

慰元經

潘氏 一首

題劉阮圖

陸娟 一首

代父送行

沈宜修 一首

茉莉花

葉紈紈 一首

春日感懷

葉小鸞 一首

送蕙綢姊

屠瑤瑟 一首

禮觀音大士

沈天孫 一首

禮觀音大士和湘靈

陸卿子 一首

贈顧夫人嚴

項蘭貞 一首

送外赴試

姚氏 一首

幽居卽興

李大純 一首

郎君遊閩擬以是日登陸風雨大作心甚憂之

劉苑華 一首

理妝

羽儒 一首

代婿懷美人

會稽女子 二首

題新嘉驛壁

陳玉 一首

題賈似道湖山圖

謝五娘 二首

柳枝詞

初夏

梁小玉 二首

包頭

釀酒

朱中楷 四首

牡丹盛開惟玉樓春一枝為冠詩以賞之

紅梅

催妝詩

賽濤 一首

元宵

朱斗兒 一首

送人

朔朝霞 一首

送人

金陵妓 一首

送友

王儒卿 一首

寄吳郎

馬如玉 一首

蹴鞠

沙宛在 一首

閨情

楊玉香 一首

答林景清

郝文珠 一首

送張隆父還閩

齊景雲 一首

贈別傅生

呼文如 一首

送生後還李樓

馬守真 一首

和衛生

趙今燕 一首

暮春江上送別

景翩翩 一首

泰寧病中

王微 三首

庚申秋夜余病卧孤山閒讀虎關女郎秋夢
詩悵然神往不能假寐漫賦一絕并記幽
懷余已作木石人尚不能無情後之覽者
當如何耳

冬夜懷宛叔

憶江南

柳隱 三首

西泠

楊宛 二首

看美人放紙鳶

月山大君婷 一首

古寺尋花

許景樊 六首

遊仙詞 五首

竹枝詞

李淑媛 二首

自適

秋思

成氏 一首

楊柳詞

德介氏 一首

送行

歷朝閨雅卷十一

經筵日講官 起居注翰林院掌院學士兼禮部侍郎教習庶吉士加六級臣揆敘奉

敕纂進

七言絕句

明

朱靜菴

暮春卽事

落花如雪點蒼苔
深掩重門晝不開
蝴蝶不知春已去
又隨飛絮過墻來

春蠶詞

桃花落盡日初長陌上新晴桑葉黃拜罷三姑祭蠶
室漸籠溫火暖蠶房

閨怨

啼鳥驚回午夢醒起來無力倚銀屏蛾眉未得張郎
畫羞見東風柳眼青

染甲

金盤和露搗晴霞紅透纖纖玉筍芽翠袖籠香理瑤
瑟綠陰新綻海棠花

董少玉

海棠花

小樓風定月初斜紫玉新枝縮落霞睡起不堪重秉
燭春來愁殺海棠花

端淑卿

秋夕泊丹湖

秋水茫茫帶白蘋魚舟蟹網集湖濱長空入暮煙雲
起只聽歌聲不見人

方孟式

芝城寄女

莫問花開花落時幽芳不必鬪濃枝晝長無事香銷
篆朝誦楞嚴暮誦詩

吳令儀

三峽寄伯姊張夫人

三峽孤帆憶楚蘭
丹崖翠壁墜雲端
欲將鏡裏琴中
意巧畫裙拖寄姊看

張紅橋

和子羽

草香花暖醉春風
郎去西湖妾向東
斜倚石欄頻悵
望月明孤影笑飛鴻

田娟娟

慰元經

碧玉杯中琥珀光
燈前把勸阮家郎
不須苦憶人間
世萬樹桃花卽故鄉

潘氏

題劉阮圖

千年古木萬年山
洞口仙娥自玉顏
劉阮當年那得
見浪傳虛語在人間

陸娟

代父送行

津亭楊柳碧毵毵
人醉東風酒半酣
萬點落花舟一
葉載將春色過江南

沈宜修

茉莉花

如許閒宵似廣寒翠叢倒影浸冰團梅花宜冷君宜熱一樣香魂兩樣看

葉純紈

春日感懷

羅袂消殘舊日香啼痕幾度濕年芳無情懶向東風立有恨誰憐一夢長

葉小鸞

送葉綢姊

絲絲楊柳拂煙輕總爲愁人送別情惟有流波似離恨共將明月伴君行

屠璠瑟

禮觀音大士

千江一片月輪孤直是禪心映玉壺處處普門皆示現憑君便作女人呼

沈天孫

禮觀音大士和湘靈

蓮花寶坐百由旬蓮表禪心不染塵大士儻容爲侍者此生願脫女人身

陸卿子

贈顧夫人嚴

當時初嫁十三餘
蕙蔕蘭蕤玉不如
獨閉紅樓綴珠箔
無人得見繡裙裾

項蘭貞

送外赴試

柳陰輕縮木蘭舟
杯酒慙勤動別愁
君去但看江上月
清光猶照故園樓

姚氏

幽居卽興

藕花脫盡秀芙蓉
處處村聲急夜春
明月一簑清雨斷
忽聞煙外落殘鐘

李大純

郎君遊閩擬以是日登陸
風雨大作心甚憂之

憐君今日渡仙霞
雨驟風狂徧落花
此地應無故人在
行囊知到阿誰家

劉苑華

理妝

舟中長是不梳頭
今日臨妝上小樓
借得烏雲撩綠

鬢好將時樣學蘇州

羽儒

代婿懷美人

雲鬟纖整玉搔頭疑是飛瓊下玉樓爲避風高臺早
築臨風更重惜花愁

會稽女子

題新嘉驛壁

銀紅衫子半含塵一盞孤燈伴此身恰似梨花經雨
後可憐零落舊時春

其二

萬種憂愁訴與誰對人強笑背人悲此詩莫把尋常
看一句詩成千淚垂

陳玉

題賈似道湖山圖

山上樓臺湖上船平章醉後懶朝天羽書莫報樊城
急新得蛾眉正少年

謝五娘

柳枝詞

近水千條拂畫橈六橋風雨正瀟瀟枝枝葉葉皆離
思添得啼鶯更寂寥

初夏

啼鳥聲中午夢回篆香重撥已成灰東風似恨春歸
去吹送楊花入戶來

梁小玉

包頭

輕霞薄霧小香羅傍着蟬鬟香更多最愛春山縹緲
上橫粧一帶淺青螺

釀酒

麴部尚書譜不留椒花細雨列香流釀王家法應如
是新拜雲谿女醉侯

朱中楷

牡丹盛開惟玉樓春一枝爲冠詩以賞之

異質偏從雨後芳淺深霞綺疊新妝吾家自有清平
調會向春風醉艷陽

紅梅

梅條纔種兩三枝綠萼香檀隱舍宜猶恐王翁還競
艷新妝故故點臙脂

催妝詩

穿鍼還上綠波樓正及芳辰詠好速遙望雙星纔渡
後飄飄繡幄下銀洲

其二

乘鸞恰喜是新秋
旖旎光生紫翠浮
試聽笙歌雲外
徹
伴嗔女伴促梳頭

賽濤

元宵

滿城簫鼓元宵節
小館燈花孤悶時
料得團圓行坐
處
有人揮淚說分離

朱斗兒

送人

楊子江邊送玉郎
柳絲牽挽柳條長
柳絲挽得行人

住多向江頭種兩行

朔朝霞

送人

秋風江上送君舟
落葉江楓總別愁
解纜不知人去
遠
凭闌猶倚夕陽樓

金陵妓

送友

送郎挾彈出平康
妾贈金丸賽夜光
若過橫塘秋水
上
莫教容易打鴛鴦

王儒卿

寄吳郎

舊事巫山一夢中佳期回首竟成空
郎心亦是浮萍草莫怪楊花易逐風

馬如玉

蹴鞠

腰支孃孃力微微滾滾紅塵拂羽衣
掩月鬢邊星獨墜石榴裙底鳳雙飛

沙宛在

閨情

白燕雙雙入幕頻梨花香遍雪爲茵
夜來縱有遊仙

夢不作烏衣國裏人

楊玉香

答林景清

銷盡爐香獨掩門琵琶聲斷月黃昏
愁心正恐花相笑不敢花前拭淚痕

郝文珠

送張隆父還閩

一曲春風酒一卮渡頭楊柳不開眉
從今海路三千里有夢爲雲到也遲

齊景雲

贈別傅生

一呷春醪萬里情
斷腸芳草斷腸鶯
願將雙淚啼爲
雨
明日留君不出城

呼文如

送生後還李樓

莫問天台落日愁
桃花片片水悠悠
寒牕一閉秦簫
月惹得人呼燕子樓

馬守真

和衛生

長虹帶映竹邊樓
樓外煙光望裏收
一水盈盈人不

見數聲腸斷雁橫秋

趙今燕

暮春江上送別

一片潮聲下石頭
江亭送客使人愁
可憐垂柳絲千
尺不爲春江縮去舟

景翩翩

泰寧病中

春日顰眉長閉門
東風吹雨倍銷魂
不知門外垂絲
柳青入南頭第幾村

王微

庚申秋夜余病卧孤山閒讀虎關女郎秋夢
詩悵然神往不能假寐漫賦一絕併記幽
懷余已作木石人尚不能無情後之覽者
當如何耳

冬夜懷宛叔

孤枕寒生好夢頻幾番疑見忽疑真情知夢好都無
用猶願爲君夢裏人

憶江南

寒沙日午霧猶含蕭瑟風光三月三撲地柳花新燕
子不由人不憶江南

柳隱

西泠

年年紅淚染青溪春水東風折柳齊明月乍移新葉
冷啼痕只在子規西

其二

愁看屬玉弄花磯紫燕翻翻濕翠衣寂寞春風香不
起殘紅應化雨絲飛

其三

垂楊小苑繡簾東
鶯閣殘枝蝶趁風
最是西陵寒食
路桃花得氣美人中

楊宛

看美人放紙鳶

薄情如紙竹爲心
辜負絲絲用意深
一自飛揚留不
住天涯消息向誰尋

其二

時來便逐浮雲去
一意飄揚萬種空
自是多情輕薄
態佳人枉自怨東風

月山大君婷

古寺尋花

春深古寺燕飛飛
深院重門客到稀
我正尋花花盡
落尋花還爲惜花歸

許景樊

遊仙詞

煙鎖遙空鶴未歸
桂花陰裏閉珠扉
溪頭盡日神靈
雨滿地香雲濕不飛

其二

閒解青囊讀素書
露風吹月桂花疎
西妃小女春無
事笑倩飛瓊唱步虛

其三

蓬萊歸路海千重五百年來一度逢花下爲沽瓊液
酒莫教青竹化蒼龍

其四

瓊樹玲瓏壓瑞煙玉鞭龍駕去朝天紅雲塞路無人
到短尾靈旄藉草眠

其五

后土夫人住馬都日中吹笛宴麻姑韋郎年少心慵
甚不寫輕綃五嶽圖

竹枝詞

家住江南磧石磯門前流水浣羅衣朝來閒繫木蘭
棹貪看鴛鴦相伴飛

李淑媛

自適

虛簷殘溜雨纖纖枕簟輕寒晚漸添花落後庭春睡
美呢喃燕子要開簾

秋思

翡翠簾疎不蔽風新涼初透碧紗櫳涓涓玉露團團
月說盡秋情草下蟲

成氏

楊柳詞

條妬纖腰葉妬羞怕風愁雨盡低垂黃金穗短人爭
挽更被東風折一枝

德介氏

送行

琵琶聲裏寄離情怨入東風曲不成一夜高唐香夢
冷越羅裙上淚痕明

歷朝閩雅卷十一終

歷朝閩雅卷十二目錄

五言排律

唐

上官昭容 一首

奉和三會寺應制

宋若憲 一首

奉和御製麟德殿燕百僚

蜀徐太后 一首

題漢州三學山至夜看聖燈

明

朱中楷 一首

元夕

王微 一首

遊牛首閣春江卽目

景翩翩 一首

寄情十四韻

七言排律

唐

魚玄機 三首

次光威哀韻

春情寄子安

左名場自澤州至京使人傳語

六言律詩

唐

魚玄機 二首

隔漢江寄子安

寓言

六言絕句

唐

李冶 一首

八至

明

方孟式 一首

田家樂

朱靜菴 一首

惜春

董少玉 一首

憶兄妹

朱中楷 一首

偶占

回文

唐

薛氏 四首

回文四絕

明

朱中楷 一首

戊戌偕隱東湖夏晚雨過偶同漁泛卽事和

梅君迴文一律

景翩翩 一首

寄陳生

聯句

唐

光威哀 一首

聯句

明

鄧氏 一首

捲簾與夫子聯句

朱中楷 一首

秋月聯句

歷朝閩雅卷十二

經筵日講官 起居注翰林院掌院學士兼禮部侍郎教習庶吉士加六級臣揆敘奉

整纂進

五言排律

唐

上官昭容

奉和三會寺應制

釋子談經處軒臣刻字留故臺遺老識殘簡聖君求
駐蹕懷千古開襟望九州四山緣塞合三水夾城流
宸翰陪瞻仰天杯接獻酬太平詞藻盛長願紀鴻休

宋若憲

奉和御製麟德殿燕百僚

端拱承休命時清荷聖皇四聰聞受諫五服遠朝王
景媚暄初轉春殘日正長御筵多濟濟盛樂復鏘鏘
豐鎬誰能敵橫汾未可方願齊山嶽壽福祉永無疆

蜀徐太后

題漢州三學山至夜看聖燈

虔禱遊靈境元妃夙志同玉香焚靜夜銀燭炫遼空
泉漱雲根月鐘敲檜杪風印金標聖迹飛石顯神功
滿望天涯極臨西日脚紅猿來齋室上僧集講筵中

頓覺超三界渾疑證六通願成脩偃事社稷保延洪
明

朱中楷

元夕

客歲中秋霽應知此夕圓江城饒鼓吹景物漸暄妍
醉酒徵人瑞張燈羨市穿構亭如昨日屈指卽經年
剪勝花先逗傳柑節又連玉蘭方脫帽煙柳競輪綿
巖隙疑螢綴枝頭信鳥懸落梅驚舞鶴高火轟遙天
皓魄層層雪香塵步步蓮賽神占里諺角技取時憐
碧燄衝絲直紅雲漏綺鮮蹋歌喧五夜擲箸費千錢

似有韶音度聯吟月滿筵

王微

遊牛首閱春江卽目

初晴開柳色忽照片檣懸林遠鶯聲倦江流月影圓
餘花繡崖谷幽翠染雲煙雨帶前朝夢春留昨日妍
平洲雙鏡合靈院一燈然只此佳遊際疑參雪後禪
景翩翩

寄情十四韻

握粟詹子美端蓍竟我欺前魚如未棄下鳳故應遲
在苒驚吹律悽涼憶履綦漫餐妃子秀虛齧舍人飴

嬾去初侵鬢輦回恰到看淚痕流琥珀花勝淡燕支
露遣冰紈冷風傳畫角悲題盤緣伯玉擣素事班姬
苦海填愁遍盟山着恨移秋深仍繫帛日入已棲埒
石闕何能解刀頭尚可期三緣經曲折五內幾妍媸
塵掩菱花鏡心搖桂葉旗何妨梁下信更作有情癡
七言排律

唐

魚玄機

次光威哀韻

昔聞南國容華少今日東鄰姊妹三粧閣却看鸚鵡

賦碧牕應繡鳳凰衫紅芳滿院參差折綠醕盈杯次第銜恐向瑤池曾作女謫來塵世未爲男文姬有貌終堪比西子無言我更慙一曲艷歌琴杳杳四絃輕撥語喃喃當臺競鬪青絲髮對月爭誇白玉簪小有洞中松露滴大羅天上柳煙含但能爲雨心長在不怕吹簫事未諳阿母幾嗔花下語潘郎曾向夢中參暫持清句魂猶斷若覩紅顏死亦甘悵望佳人何處在行雲歸北又歸南

春情寄子安

山路欹斜石磴危不愁行路苦相思冰銷遠碣憐清

韻雪遠寒峰想玉姿莫聽凡歌春病酒休招閒客夜貪棋如松匪石盟長在比翼連襟會肯遲雖恨獨行冬盡日終期相見月圓時別君何物堪持贈淚落晴光一首詩

左名場自澤州至京使人傳語

閒居作賦幾年愁王屋山前是舊遊詩詠東西千嶂亂馬隨南北一泉流會陪雨夜同歡席別後花時獨上樓忽喜扣門傳語至爲憐隣巷小房幽相如琴罷朱絃斷雙燕巢分白露秋莫倦蓬門時一訪每春忙在曲江頭

六言律詩

唐

魚玄機

隔漢江寄子安

江南江北愁望相思相憶空吟鴛鴦暖卧沙浦鷓鴣
閒飛橘林煙裏歌聲隱隱渡頭月色沉沉含情咫尺
千里况聽家家遠砧

寓言

紅桃處處春色碧柳家家月明樓上新粧待夜闌中
獨坐含情芙蓉月下魚戲蟬螻天邊雀聲人世悲歡

一夢如何得作雙成

六言絕句

唐

李冶

八至

至近至遠東西至深至淺清谿至高至明日月至親
至疎夫妻

明

方孟式

田家樂

松下柴扉茅屋籬邊竹
逕清溪菜花蝴蝶一色野雀
山雞亂啼

朱靜菴

惜春

掛樹游絲旖旎撲簾飛絮輕狂杜宇喚將春去小桃
落盡紅香

董少玉

憶兄妹

秋後梧桐凋落故園兄弟銜杯旅夢三更燭影歸心
千里塵埃

朱中楷

偶占

點點新荷帖水雙雙好鳥鳴枝閒步涼亭對坐戲拈
紈扇題詩

回文

唐

薛氏

迴文四絕

花朵幾枝柔傍砌柳絲千縷細搖風霞明半嶺西斜
日月上孤村一樹松

其二

涼回翠鈿冰人冷齒沁清風夏井寒香篆裊風青縷
縷紙牕明月白團團

其三

蘆雪覆汀秋水白柳風凋樹曉山蒼孤燈客夢驚空
館獨雁征書寄遠鄉

其四

天凍雨寒朝閉戶雪飛風冷夜關城殷紅炭火圍鑪
暖淺碧茶甌注茗清

明

朱中楷

戊戌偕隱東湖夏晚雨過偶同漁泛卽事和

梅君迴文一律

江澄掠鷺晴鷗狎險句聯吟索韻孤牕滿鏡荷翻疊
浪黍肥螯劍擁交蒲雙雙舞蝶迷花夢箇箇穿魚易
野醅瀧遠蕩舟閒載月報瓊應贈夜光珠

景翩翩

寄陳生

簫吹靜閣曉含情片片飛花映日晴寥寂淚痕雙對
枕短長歌曲幾調箏橋垂綠柳侵着淡榻繞紅雲拂

袖輕遙望四山青極目銷魂黯處亂啼鶯

聯句

唐

光威哀

聯句

朱樓影直日當午玉樹陰低月已三光膩粉暗消銀

鏤合錯刀閒剪泥金衫威繡牀怕引烏龍吠錦字愁

教青鳥銜哀百味鍊來憐益母千花開處鬪宜男光

鴛鴦有伴誰能羨鸚鵡無言我自慚威浪喜遊蜂飛

撲撲伴驚孤燕語喃喃哀偏憐愛數蛭蜨掌每憶光

抽玳瑁簪光煙洞幾年悲尚在星橋一夕悵空含威

牕前時節羞虛擲世上風流笑苦諳哀獨結香綃偷

餉送暗垂檀袖學通叅光須知化石心難定却是為

雲分易甘威看見風光零落盡絃聲猶逐望江南哀

明

鄧氏

捲簾與夫子聯句

捲簾且放春風舞文翔鳳好共花如入醉鄉鄧氏鴛蓋可

留佳色醉鳳翔早霞如與借紅妝鄧氏

朱中楷

秋月聯句

夜長人靜月初斜中點點流螢透碧紗何處徵歌催

玉笛元幾年羈戍怨蘆笳雁聲遠度銀河曙中桂影

閒飄御苑花尊酒相看和露醉元不將清夢繞天涯

中楷

歷朝閩雅卷十二終



